

REGLUGERÐ

92

30. apríl

fyrir Vinnumiðlunarskrifstofu Hafnarfjarðarbæjar.

1. gr.

Vinnumiðlunarskrifstofa Hafnarfjarðarbæjar annast vinnumiðlun í Hafnarfirði.

2. gr.

Hlutverk Vinnumiðlunarskrifstofunnar er:

1. að veita verkamönnum og atvinnurekendum endurgjaldslausla milligöngu um vinnusölu og vinnukaup;
2. að miðla vinnu milli bæjarbúa eftir því, sem unnt er;
3. að úthluta vinnu þeirri, sem kostuð er af bæjarsjóði og ríkissjóði til atvinnubóta, svo og annarri vinnu, sem ríki, bær eða opinberar stofnanir fela skrifstofunni að úthluta;
4. að fylgjast með atvinnuháttum, eftir því sem auðið er, og safna skýrslum og gögnum í því augnamiði;
5. að aðstoða við atvinnuleysisskráningar eftir lögum nr. 57 frá 7. maí 1928 og láta fara fram atvinnuleysisskráningar eftir fyrirmælum bæjarstjórnar eða félagsmálaráðherra eða stjórnar Vinnumiðlunarskrifstofunnar;
6. að veita opinberum stofnunum svo og verkafélögum innan Alþýðusambands Íslands og félögum atvinnurekenda upplýsingar um tölu atvinnulausra og hagi þeirra eftir því, sem unnt er;
7. að halda uppi sambandi við skrifstofur, sem annast vinnumiðlun í öðrum kaupstöðum, svo og sambandi við sveitir varðandi vinnumiðlun eftir því, sem við verður komið;
8. að inna af höndum þau störf, er skrifstofunni verða falin af bæjarstjórn, bæjarstjóra eða í lögum og reglugerðum.

3. gr.

Allir þeir, sem hafa með höndum fastan atvinnurekstur í Hafnarfirði með aðkeyptu vinnuafli verkamanna, skulu eigi sjaldnar en mánaðarlega senda Vinnumiðlunarskrifstofunni afrit af kaupgjaldsskrám sínum, enda séu þær þannig útbúnar, að auðvelt sé að sjá af þeim, hve mikil upphæð hefur verið greidd í vinnulaun hverjum einstökum manni á þeim tíma, sem skráin nær yfir.

Vinnumiðlunarskrifstofan skal, að fengnum tillögum Vinnuveitendasambands Íslands, láta útbúa eyðublöð fyrir þessar kaupgjaldsskrár, og skulu þau afhent atvinnurekendum ókeypis.

4. gr.

Á Vinnumiðlunarskrifstofunni skulu haldnar bækur og gerðar skýrslur sem hér segir:

1. Spjaldskrár með upplýsingum um atvinnugrein, ómagafjölda og heimili allra atvinnulausra manna, er leita aðstoðar skrifstofunnar, og aðrar þær upplýsingar, er hún telur nauðsynlegar;
2. bók eða skýrslur um alla atvinnulausa menn, er mæta við hinar lögboðnu atvinnuleysisskráningar eða á skrifstofunni. Þar skal færa að minnsta kosti á hverjum ársfjórðungi nákvæmar upplýsingar um eignir, atvinnu, ómagafjölda og aðra afkomu mannsins, svo að fljótlega megi fá glöggt yfirlit yfir möguleika hans til sjálfsbjargar;

- 92 3. bók, sem í er færð daglega tala og atvinnugrein þeirra mann, er koma á skrifstofuna í atvinnuleit;
30. apríl 4. bók eða skýrsla, sem í eru færðar allar ráðningar í vinnu, sem fram hafa farið að tilhlutun skrifstofunnar, enn fremur nöfn vinnukaupenda og vinnuseljenda, svo og upplýsingar um hvar vinnan sé, til hve langs tíma og fyrir hvaða kaup.

5. gr.

Stjórn Vinnumiðlunarskrifstofunnar skipa fimm menn, þrír þeirra skulu kjörnir af bæjarstjórn Hafnarfjarðar með hlutfallskosningu, einn skal tilnefndur af fulltrúaráði verkalýðsfélaganna í Hafnarfirði og einn af samtökum atvinnurekenda í Hafnarfirði. Varamenn skulu vera jafnmargir og valdir af sömu aðilum.

Nú kýs eigi annar hvor eða hvorugur þeirra aðilja, er síðast voru taldir, fulltrúa í stjórn Vinnumiðlunarskrifstofunnar innan 15 daga frá því að þeir fá tilkynningu um að gera það, þá skal bæjarstjórn Hafnarfjarðar á næsta fundi sínum þar á eftir, kjósa fulltrúa til viðbótar í stjórnina, svo að hún verði jafnan skipuð fimm mönnum.

Kjörtímabil stjórnarmanna og varamanna er fjögur ár. Stjórnin kýs sér sjálf formann, varaformann og ritara til eins árs í senn. Laun stjórnarmanna skulu vera kr. 1000.00 á ári.

6. gr.

Stjórn Vinnumiðlunarskrifstofunnar skal halda fund að minnsta kosti einu sinni í mánuði og taka þá til athugunar skýrslur skrifstofunnar. Að öðru leyti boðar formaður stjórnina svo oft á fund, sem honum þykir þurfa, eða ef tveir úr stjórninni óska þess eða forstöðumaður fer þess á leit.

Forstöðumaður situr að jafnaði fundi stjórnarinnar og hefur þar málfrelsi og tillögurétt.

7. gr.

Stjórn Vinnumiðlunarskrifstofunnar ræður forstöðumann stofnunarinnar, svo og aðra starfsmenn, eftir því, sem þurfa þykir og bæjarstjórn samþykkir, setur þeim starfsreglur og hefur umsjón með störfum þeirra og rekstri stofunnar yfirleitt.

8. gr.

Forstöðumaður Vinnumiðlunarskrifstofunnar annast fjárreiður hennar undir eftirliti stjórnar Vinnumiðlunarskrifstofunnar.

Fastir starfsmenn skrifstofunnar og stjórn hennar fá laun sín greidd hjá bæjargjaldkera. Hann greiðir og reikninga stofunnar, er þeir hafa verið samþykktir af forstöðumanni og uppáskrifaðir af bæjarstjóra.

Reikningar Vinnumiðlunarskrifstofunnar skulu endurskoðaðir á sama hátt og reikningar Hafnarfjarðarkaupstaðar.

9. gr.

Um laun forstöðumanns Vinnumiðlunarskrifstofunnar fer eftir samþykkt um laun fastra starfsmanna Hafnarfjarðarbæjar, eftir ákvörðun bæjarstjórnar hverju sinni.

Hann hefur sömu skyldur og réttindi og aðrir fastir starfsmenn bæjarins.

10. gr.

Allur kostnaður, sem leiðir af framkvæmd reglugerðar þessarar, greiðist úr bæjarsjóði Hafnarfjarðarkaupstaðar, með þeim takmörkunum þó, sem um ræðir í 8. gr. laga nr. 41 15. marz 1951, um vinnumiðlun.

Reglugerð þessi, sem bæjarstjórn Hafnarfjarðar hefur samið og samþykkt sam- 92
kvæmt lögum nr. 41 15. marz 1951, um vinnumiðlun, staðfestist hér með til þess að 30. apríl
öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 30. apríl 1952.

Steingrímur Steinþórsson.

Jónas Guðmundsson.

Staðfesting handhafa forsetavaldsins á skipulagsskrá fyrir „Minningarsjóð 93
Árnesinga“, útgefin á venjulegan hátt að mandatum af dómsmálaráðherra 5. maí 5. maí
1952. — Skipulagsskráin er þannig:

SKIPULAGSSKRÁ

fyrir Minningarsjóð Árnesinga.

1. gr.

Sjóður þessi er stofnaður við lát síra Árna Sigurðssonar frikirkjuprests, sem var Árnesingur að ætt og uppruna, og er stofnféð gjafir þær, er söfnuðust til minningar um hann látinn.

2. gr.

Árnesingafélagið í Reykjavík, er hafði frumkvæði að sjóðstofnun þessari, ákvað þá þegar, að sjóðurinn skyldi efldur með minningargjöfum um látna Árnesinga og heita Minningarsjóður Árnesinga. Stofnfé sjóðsins er kr. 5685.00.

3. gr.

Þegar sjóðurinn hefur aukizt svo sem síðar segir, skal honum varið til styrktar fátækum, efnilegum námsmönnum úr Árnessýslu, hvort sem þeir stunda nám sitt innan héraðs síns eða utan.

4. gr.

Þegar fjárhæð minningarsjóðsins nemur kr. 25000 — tuttugu og fimm þúsund krónum —, heimilast stjórn sjóðsins að greiða $\frac{3}{5}$ hluta af vöxtum hans í styrk til 1—3 nemenda árlega, og eftir að sjóðurinn er orðinn kr. 100 000, þá alla vexti hans. Veita má sama nemanda styrk úr sjóðnum allt að þremur árum, eftir því sem námi hans og efnahag er hátað.

5. gr.

Stjórn sjóðsins skipa þrír menn til fjögurra ára í senn. Skal einn þeirra valinn af sýslunefnd Árnessýslu, annar af Árnesingafélaginu í Reykjavík, en hinn þriðji tilnefndur af menntamálaráðherra, og skal hann vera formaður sjóðstjórnarinnar.

6. gr.

Verkefni stjórnarinnar skulu vera að varðveita sjóðinn hverju sinni á sem tryggilegastan og hagkvæmastan hátt og ákveða, hverjir skuli njóta styrks úr honum, er til þess kemur. Stjórnin lætur gera minningarspjöld, er minningargjafir til sjóðsins eru skráðar á, svo sem venja er til, og hefur þau til afhendingar á hæfilega mörgum stöðum. Enn fremur heldur stjórnin gerðabók og reikningabók fyrir fundargerðir sínar og fjárreiður sjóðsins. Í reikningabókina skulu færð nöfn allra þeirra, sem minningargjafir hafa verið gefnar um. Reikningar sjóðsins skulu lagðir fram endurskoðaðir á aðalfundi Árnesingafélagsins í Reykjavík.

7. gr.

Leita skal staðfestingar forsetans á skipulagsskrá þessari.